



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

In Festo S. Andreæ Apostoli. De Euangelio. 677. 679. & vita eiusdem

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

traordinarijs Laureolis, vel Virginū,
vel Martyrum, vel Doctorū, & pecu-
liaribus tam animæ quā corporis glo-
riofis dotibus & gaudijs eundem exor-
nando. His confideratis congratulare
Sancto de tanta gloria, excita spē desi-
deriumq; similis gloriæ similibus me-
dijs, quibus ille vsus, promerendæ.

In festo S. Andreæ Apostoli.

30. Nov.

*De Euangelio festi vide 4. part. med. hebdom.
1. post Trinit. med. 2. & 3. & heb. 7. med. 3.*

De vita S. Andreæ Apostoli.

Considera quā benignè Filius Dei
cum Patre & Spiritu S. vti ab æ-
terno elegit B. Andream in primum
suū discipulū, in Apostolū, & quidē ex
primarijs vnū, in crucis opprobrij so-
cium, in iudicio extremo assessorē, in
cælo regni & gloriæ consortem: sic in
tempore eundem tali loco & tempore
nasci voluerit, talibus naturæ & gra-
tiæ dotibus instruxerit, tam suauiter
primum ad Ioannem Baptistam per-
fectioris vitæ desiderio inflammatum
audiendum, deinde ad se sequendum
inuitarit, tam efficaciter traxerit &
pertraxerit, tam paternè erudierit, fo-

uerit, atque ad amorem crucis animar-
rit, vt sic tandem præfixum æternæ
prædestinationis suæ scopū per mortē
crucis attingeret. Quam peculiari te-
quoque fauore ab æterno respexerit,
& ad certum gloriæ gradum, vt spe-
ras, elegerit; sic in tempore dotari, at-
que ad talem statum vocari, in eodē
sic conseruet, foueat, atque ad cellio-
rem gratiæ gradum extimulare &
promouere non desinat. Quam pecu-
liarem peculiaris iste fauor exigit gra-
titudinis, amoris, & feruoris coope-
randi excessum!

II. Quomodo ille huic peculiari dile-
ctioni Domini erga se de qua merito
canit Ecclesiā: *Dilexit Andream Domi-
nus in odorem suauitatis*) & tā rare gra-
tiæ gratum se exhibuerit, eximio qua-
druplici zelo Magistro suo acceptissi-
mo, 1. Zelo propriæ perfectionis, quæ
ostēdit tam auide se in Ioannis primū
mox in Christi ipsius disciplinā dan-
do, semperq; ad perfectiora anhelan-
do. 2. Zelo intimæ cum Deo coniun-
ctionis augendæ per assiduū deuorio-
nis exercitium, & quotidianum agni
immaculati sacrificium, de quo ipse
ad Tyrannum idolis immolare im-
perantem aiebat: *Ego omnipotenti*
Deo

Deo immolo quotidie non taurorum carnes
 nec hircorum sanguinem, sed immacula-
 tum Agnum in altari: cuius carnem post-
 quam omnis populus credentium mandu-
 carit. Agnus qui sacrificatus est, integer
 perseverat & vivus. 3. Zelo animarum
 Christo lucrandarum, quem exercuit
 post ascensionem Domini per Scy-
 thiam, Epirum, Thraciam, Achaiamq;
 Christi gloriam prædicando, & tot
 barbaras cæcasque gentes Evangelicæ
 veritatis lumine collustrando. 4. Ze-
 lo infatiabili Magistro suo Christo
 crucifixo se penitus non solum in vi-
 ta, sed etiam in morte conformandi,
 eiusque gloriam amoremque propa-
 gandi, quem ardentissimum demon-
 stravit tanta libertate spiritus coram
 Ægea Præconsule supplicium crucis
 minitante, crucifixi Domini infinitam
 charitatem & crucis mysteria extol-
 lendo; ad crucem, cui ab eodem adiu-
 dicatus erat, tanquam ad optatissimam
 vitæ suæ metam, quantumvis virgis
 dilaniatus, tam hilariter properando;
 à longè conspectam tam amicè salu-
 tando; tam cupidè eandem tanquam
 suggestum conscendendo; ex eaque
 biduum viginti millia hominum cir-
 cumstantium tam ardentè ad cōstan-

tem amorem Domini ex amore pro nobis crucifixi exhortando; & ne ab ijs de cruce, quod facere attentabant, deponeretur, instantissimis precibus extorquendo. Hunc quadruplicem Apostoli imitare zelum, & quadruplex gratissimum Deo obtuleris sacrificium.

III. Quomodo Christus hunc eundem quadruplicem illius zelum remuneraris, in hac quidem vita ad præcedendum gratiæ gradum cum promovendo: cœlestium consolationum dulcedine eum toties inebriando; & sua præsentia pendentem in cruce recreando; tot millium animarum miraculosa conuersione labores eius blandè solando; ac demum ex crucis patibulo inter eximium, qui crucem cinxerat, splendorem, animam eius ad sublime cœlorum solium magno cū triumpho deducendo: In altera verò eximiam eximijs eius meritis debitam iustitiæ coronam liberalissimè offerendo. Spes similis gloriæ & remunerationis, & desiderium eam promerendi feruenti emulatione quadruplicis eius zeli.

Possent de hoc quadruplici eius zelo alid quatuor meditationes formari hoc modo: Ut I. Expendatur quam perfectus in eo fuerit

vis talis zelus, quam purus, intensus, fortis.

2. *Quomodo illum quo ad internos actus.*

3. *Quomodo quo ad externos. Et quo fructu, vel ob qua motiva, exercuerit. De hoc consulenda Meditationes sexta partis, de virtutibus hic insinuata.*

De vita S. Francisci Xaverij. 2. Decemb.

I. **E**Xpende quomodo Deus B. Franciscum Xaverium, quem vti ab æternitate in Apostolū Indorum elegerat, atque ad tam sublimem gloriam prædestinarat, tam suaviter in tempore paterna sua providentia ad hunc finem per tam suavia media direxerit, tantis naturæ & gratiæ præsidijis eum muniendo; tam mirabiliter per servū suum Ignarium in eodem contubernio Parisijs cum illo literis operam dantem ad contemptum mundanæ vanitatis, & amorem Christianæ perfectionis pertrahendo; ad religiosum institutum amplectendum permouendo; spiritu Apostolico replendo; ad Indicam expeditionem tum interno impulsu, tum obiecta illi sapius in somno visione Æthiopis, quem hume-